

疔瘡五經辨



中華民國二十六年丁丑仲夏重鐫

疔瘡五經辨

開設杭州西大街
明德印書館代印

電話二一六〇號

重刊疔瘡五經辨序

予承數世之重。缺五服之親。年四十。始有一子。十一畢業於省立附小。平時頗聰慧順孝。足慰予懷。乙亥之夏。突患鼻疔。始輕漸重。當延中西名醫。竭盡診治。卒無救以隕生。愛極而痛甚。當亦人情所同然。其果命焉耶。蓋醫不識症。藥不救人故也。嗣予在鄉間。見患同症者兩人。其危殆情狀。與我兒無稍差別。予決以謂無救也。詎一老人。手出是書。按圖針穴。照方下藥。未半日其病若脫。宛同健人。其果命焉耶。蓋醫能識症。藥能救人故也。命之說。亦頗有理。然聖人有立命造命之道。泰西各國。當十五六世紀之時。疫病漫天捲地。抑若洪水猛獸。無法遏止。嗣後彼邦名醫。縝密研究。發明細菌治療之法。防制施救。殺疫無異殺

敵。生人無量。其果前者無命。後者有命耶。蓋亦醫能識症。藥能救人故也。天下之大。誰無家庭。誰無伯叔兄弟。父母兒女。無論貴者賤者。富者貧者。誰能保險。此疔毒之勿發生。未遇者未悉其害。而漫不經心。如予親見親歷。蓋慘莫慘於此死。今演身說法。其亦恫念我同胞。不忍罹此厄乎。夫此症來如別風淮雨。偶一瞻顧。稍縱即逝。此真人命在於呼吸。不可不鄭重視之也。其他諸說。詳於後序。

暨陽吳燾謹識

序

疔瘡五經辨一書。早有刊本行世。依此鍼治。初發之泡。根除癰退。已成之毒。患消癥平。拔本斷源。具有回生之力。真神鍼也。今友人以一編見惠。見所載治法。至簡至易。凡某瘡應鍼某穴。具列於圖。一覽盡明。隨人可用。不待良醫。已能奏功腕下。利人濟世。莫便於此。但板已毀於兵燹。藏本無多。恐其日久失傳。鄙人有鑑於斯。自應勉力輸資。重付刊印。廣爲流傳。俾按圖用鍼。得以應手奏效。既省服藥延醫之費。更無呻吟糜爛之憂。則所謂生死人而肉白骨。於是書洵有賴焉。若博濟之名。所不敢居。亦以補方書之缺云爾。

崑

民國四年乙卯歲孟夏諸暨浣東斯遲香謹識

原序

夫人生疾苦。非止一端。各有專門主治。茲不具載。惟疔瘡一類。發無定處。形症不同。起初不覺其險。及凶症大作。治療不及。至於傷命者居多。外科中雖載有幾種。然略而不見其詳。予訪求多年。總未得達人指示。適有老者指予而言曰。子欲知疔瘡五經之辨乎。經有云。膏梁之變。足生大疔。然不獨膏梁之變爲然。而外感六氣。內傷七情。具能爲患。今贈汝一書。內分五藏形症。一經有一經之方。一處有一處之法。對症施治。無不應手而愈。但不可祕之不傳。於中取利。天必遣之以殃。倘其刊本施送。療治一人。卽有活一人之功。療治十人。其功德不可限量矣。言畢。忽不見。予不勝駭異。惟有對天申謝而已。今刻印施送。願諸善信。切勿祕藏。傳播是編。庶幾救人於險危之際。將來天降吉祥。何至一人已也。

道光二十年歲次庚子清和月望日無名氏識

疔瘡五經辨

五

疔瘡五經辨

疔瘡毒氣發於心經者。生爲火焰疔。其患多生唇口掌手指間。初生一點紅黃小泡。抓動痒痛非常。左右肢體麻木。重則寒熱交作。頭暈眼花。心煩發躁。言語昏憤。此等發於心經之病也。毒氣發於肝經者。生爲紫燕疔。其患多生手足腰脅筋骨之間。初生便作紫泡。次日破流血水。三日後。串筋爛骨。疼痛苦楚。重則眼紅目昧。指甲純青。舌強神昏。睡語驚惕。此等出於肝經之病也。毒氣發於脾經者。生爲黃鼓疔。其患多生口角腮顴眼泡上下。及太陽正面之處。初生一點黃泡。光亮明潤。四邊紅色纏繞。發時便作麻痒。綳急硬強。重則惡心吐嘔。肢體木痛。寒熱交作。煩渴乾噦。此等出於脾經之病也。毒氣發於肺經者。生爲白刃疔。其患初生白泡。疔硬根突。破流脂水。痒痛驟然。易腐易陷。重則腮損咽焦。毛

聳肌熱。咳吐膿痰。鼻掀氣急。此等出於肺經之病也。毒氣發於腎經者。生爲黑腐疔。其患多生耳竅胸腹腰腎偏僻軟肉之間。其患初生黑斑紫泡。毒串皮膚。漸攻肌肉。頑硬如釘。痛徹骨髓。重則手足青紫。驚悸沈困。軟陷空深。目睛透露。此等出於腎經之病也。以上五經皆傳出五疔。又有紅絲疔。起手掌節間。初生形似小瘡。漸發紅絲。上攻手膊。令人多作寒熱。甚則惡心嘔吐。遲者紅絲至心。常能害人。用針於紅絲盡處。挑斷出血。尋至初起瘡上挑破。凡治此症。貴乎早醫。初起卽治者。十全十活。稍遲者。十全五六。失治者。十全一二。服藥須明經絡。隨症引經。施治可也。

挑疔總法

面巖疔、從天庭破、又外弓穴破、又耳下潭、髮際破、又大拳破、顴疔、從太陽破、又髮際破、印堂疔、從耳門破、又大拳破、又大項破、又氣斗潭破、天門角疔、從顴骨下破、又龍舌破、又肩井破、又大顴骨下破、又口門破、大顴骨下疔、從尾子尖破、項疔、從插花破、又生右項、挑左肩、生左項、挑右肩、又生上者、覆掌虎口破、生下者、反掌虎口破、又印堂破、耳茸疔、從命指根破、又吊角破、耳垂疔、從吊角破、耳垂下疔、從大指根下掌面虎口破、後對口疔、從尾子骨上第二節破、如女人、從天庭破、又地合破、又印堂破、前髮際疔、從地合破、又冰骨破、後髮際疔、從大拳骨下第二節破、又尾子骨第二節破、山根疔、從背後大拳骨下破、唇中疔、從背後大拳第三節破、又印堂破、又地合破、地合疔、從命指頭破、又冰骨破、大小脚

指尖疔、從命指破、又背上破、冰骨疔、從脚下大指根虎口破、又耳垂裏首破、脚
拗疔、從插叉骨破、外胸疔、從大拳骨下三節骨上破、又勞食窩破、又百勞穴第
七節骨破、手掌疔、從腳踝頭破、又命指破、又印堂破、又脚挺下根第三指破、乳
上疔、從脚罕挺下第二指破、又冰骨下破、飯超骨下疔、從肩上燕窠梁骨上破、
背脊疔、從尾子骨上一三節破、頭頂心疔、從印堂破、又脚後跟千筋破、又大拳
破、吊角疔、從耳癰破、又肩頭尖破、又燕窠骨尖破、眉稍疔、從臂上龍舌尖破、又
裏反弓破、又大拳破、又肩井破、穿鼻疔、從地合破、又印堂破、又口角破、又小耳
潭破、偏對口疔、從尾子八字骨破、又地合邊破、又足後跟破、上反唇疔、從耳門
破、又龍舌破、又顴骨下破、中反唇疔、從唇內破、下反唇疔、從命指尖破、又印堂
破、耳內疔、從肩井破、又大拳破、又地合破、鎖唇疔、從天庭破、又地合破、又耳癰

耳垂破、淚堂疔、從地合破、又耳癰破、又太陽破、又氣斗潭骨上破、太陽疔、從耳門破、又地合旁破、插花疔、從地合兩旁破、眼泡上下疔、從命指尖破、又裏反弓破、肩下疔、從井肩破、又龍舌尖破、天門疔、從肩上插花穴破、又地合破、又項下破、鼻尖疔、從地合破、冲鼻疔、從地合破、又印堂破、天庭疔、從命指尖破、又地合破、又面巖破、脈門疔、從命指破、命指尖疔、從對手印破、又腳指尖破、又眉中疔、從地合旁破、手掙頭疔、從脈側破、又第二指尖破、鼻梁疔、從牙鬚潭破、紅絲疔、從命指頭破、膀胱疔、從肚臍上破、肋疔、從手掙上破、耳垂裏疔、從肩上破、又頭頸第二節骨破、鼻環疔、從海底穴上第四節破、眉燕疔、從牙絞骨上破、對齒疔、從小指頭破、又耳垂下潭破、耳齒疔、從虎口破、牙癰疔、從命指頭破、耳癰疔、從大拳穴下第三節破、肚注疔、從小耳上破、舌疔、從喉結處破、前隱珠、從脚後跟


千筋破、後隱珠、從血池下破、斷橋疔、從足大指虎口破、又前後足疔、總從血池
潭破、手疔、總從手交臂破、含珠、從大指頭破、吞珠、從小指頭邊高骨上破、


含珠、即男人陰子龜頭、

吞珠、即婦人陰戶上疔、

凡挑疔之法、照此對穴而挑、如挑痧一式、用針挑在正穴、其血必紫、擠出
惡血、即能全愈、因挑斷疔根故也、

正面面





穴道總目

頭頂心穴

從兩耳尖直上旋髮中陷可容指處

天庭穴

從鼻直上齊髮際橫按一指許下

前髮際穴

從太陽穴直上齊髮際處

印堂穴

在兩眉之中

耳齒穴

在小耳朵根處

耳垂穴

即耳垂尖處

面巖穴

在兩頰骨下陷中

口門穴

在兩口吊角處

髮際潭穴

在耳下潭腮間

大拳穴

從背後第三節頸骨下第一節頂高骨間

氣斗潭穴

在喉節下二寸許陷中

天門角穴

從雙眉中直上在天門穴兩旁額角間

插花穴

從眉梢直上兩髮角處

太陽穴

從眼角梢筋脈陷中

山根穴

在兩眼之中

耳癰穴

在耳端湧凸處

耳茸穴

在耳前開口即空處

耳門穴

在小耳朵處即耳齒穴

地合穴

在下爬尖頭處

後髮際穴

在後項頸兩頭筋齊髮處

大項穴

在兩項頸筋間喉結旁各開
二寸許處

肩井穴

在肩端兩骨間之窩
卽燕窩骨穴

龍舌穴

在兩肘上臂之中

裏反弓穴

屈手肘灣橫紋處

插叉穴

在肚下兩叉骨間

百勞穴

卽大拳穴

外反弓穴

在手柱掙頭尖處

冰骨穴

在腳踝頭骨間

血池潭穴

在小腳膀肚下

勞食窩

卽氣斗潭穴




面巖疔、從天庭挑、又外弓穴挑、又耳
下髮際潭挑、又大拳挑、

顛疔、從太陽髮際挑、生左挑左、生右
挑右、

印堂疔、從耳門挑、又大拳挑、又大項
挑、又氣斗潭挑、

疔瘡五經辨



天門角疔、從顴骨下挑、又龍舌挑、又

肩井挑、又大拳下挑、又口門穴挑、

大拳骨下疔、從尾子尖挑、落頭疔、

四圍挑、遲治喪命、

項疔、從插花穴挑、又生右項挑左肩、
生左項挑右肩、又印堂挑、又生上者
覆掌虎口挑、生下反掌虎口挑、



耳茸下疔、從命指根挑、又口吊角


挑、

生左耳茸挑左手、生右耳茸挑右

手、

耳垂疔、從口吊角挑、耳垂下疔、從大

指根下掌面虎口挑、



大指根虎口穴

後對口疔、從尾子骨上第二節挑、如
女人須挑天庭、又挑地合、又挑印堂、

前髮際疔、從地合挑、又冰骨挑、



後髮際下疔、從大拳骨下第二節挑、

又尾子骨第二節挑、

山根疔、從大拳骨下挑、

唇中疔、從背後大拳下第三節挑、又

印堂挑、又地合挑、



地合疔、從命指頭挑、又冰骨挑、

大小脚指尖疔、從命指挑、又背上挑、

鶴頂珠、即冰骨疔、從脚下大指根虎

口挑、又耳垂裏首挑、

脚拗疔、從插叉骨挑、外胸疔、從大拳
下三節骨上挑、又勞食窩挑、又百勞
穴下第七節骨挑、



手掌下名擊珠、從腳踝頭挑、又命指挑、又印堂挑、又脚挺根第三指挑、

乳上疔、從脚罕提二指挑、又冰骨挑、乳下疔、從脚罕挺第二指挑、又冰骨下挑、飯超骨下疔、從肩上燕窠骨上挑、

背脊疔、從尾子骨一三節挑、



頭頂心、名佛珠疔、又名鶴頂珠、從印


堂挑、又脚後根千筋挑、又大拳挑、

吊角疔、從耳癰挑、又肩頭尖挑、又肩

上燕窠骨尖挑、

眉梢疔、從臂上龍舌尖挑、又裏反弓

挑、又大拳挑、又肩井挑、



穿鼻疔、從地合挑、又印堂挑、又口角挑、又小耳潭挑、

三日外不治、

偏對口疔、從尾子八字骨挑、又地合邊挑、又足後跟挑、

上反唇疔、從耳門挑、又龍舌挑、又顴骨下挑、七日外不治、



中反唇疔、從唇內挑、內反唇疔、用金線虫即帶尾摘髮施水於患上即愈、疔生唇內、三日內不早治者、難救、以唇反出難挽、

下反唇疔、從命指尖挑、又印堂挑、

七日外不治、

耳內疔、從肩井大拳地合三穴挑、

鎖脣疔、又名反唇、從天庭挑、又地合挑、又耳癰挑、又耳垂挑、



淚堂疔、從地合挑、又耳癰挑、又太陽挑、又氣斗潭骨上挑、

太陽疔、從耳門挑、又地合旁挑、

插花疔、從地合兩旁挑、

眼泡上下疔、從命指尖挑、又裏反弓

挑、

肩下疔、從肩井挑、又龍舌尖挑、



天門疔、從肩上插花穴挑、又地合挑、
又項下挑、

鼻尖疔、從地合挑、

冲鼻疔、從地合挑、又印堂挑、

天庭疔、從命指尖挑、又地合挑、又面
巖挑、

脈門疔、從命指挑、

命指尖疔、從對手印挑、又脚指尖挑、



眉中疔、從地合旁挑、

手掙頭疔、從脈側挑、又第二指尖挑、

鼻梁疔、從牙鬚潭挑、

紅絲疔、從命指頭挑、

膀胱疔、從肚臍上挑、

肋疔、從手掙頭挑、

耳垂裏疔、從肩上挑、又頭頸第二節

骨挑、

鼻環疔、從海底穴第四節挑、



眉燕疔、從牙絞骨上挑、

對齒疔、從小指頭挑、又耳垂下潭挑、

耳齒疔、從虎口穴挑、男左女右、

牙癰疔、在牙口內從命指頭挑、男左
女右、

耳癰疔、從大拳穴下第三節挑、

肚注下疔、從小耳上挑、



舌疔、從喉結處挑、用沿油螺放在口
內、閉一時、將沿油螺消踪無跡即愈、
前隱珠、從脚後跟千筋挑、
後隱珠、從血池下挑、
斷橋疔、從足大指虎口挑、

附疔瘡服藥方

羌活三錢 獨活三錢 青皮三錢 防風三錢 全退三錢 荆芥三錢 何首烏三錢 赤芍三錢 生地三錢 淨銀花三錢 甘草節三錢
一二帖或三帖

又方

大黃一錢 川連一錢 荆芥三錢 連召三錢 紫花地丁三錢 花粉三錢 黃花地丁三錢 白芷三錢 草河車三錢 一二帖如火重者加大黃八錢或兩半 須加芒硝三錢

可服可敷方

蒲公英 兔絲子 白豆蔻 乳香 爲末、加葱三箇、倭巨菜如無可用根、少

許將蒲公英同搗汁、和熱酒服之、渣和前藥末葱菜同搗爛、付丁腫處其疔自
出至妙、

又服方

五月端午、收希僉草陰乾爲末、稱三錢、將好酒送下、蓋煖睡去以汗出爲度、即
效、

又敷方

親用過

川連

麝香三厘

石羔

百草霜各三錢

共爲末、敷患處即愈、

又敷方

駝背虫

螻蛄

蟾子

蜒蚰螺

共搗爛、付患處立效、

又敷方

如痛不止者、用胃虫數條去肚食、打爛敷患處、痛立止、

又方

用爛糖鷄糞石灰、付患處立效、

又方

用蟬酥錠付無名腫毒如神、此方在外科金鑑上、

又方

大黃川連石羔硃砂夏蠶沙各一錢、爲末、用蜜調敷即愈、

又方

夏蠶沙每錢加川連二分、冰片少許、研末用蜜調、敷患處、如風筋起、不可動、用醋溫熱擦以去風筋、

治指上生疔神方

不論羅疔節疽摸蛇刺皆可治之

用鷄蛋一個、搗一指粗眼、倒出蛋黃、併白用蜈蚣大者一枝、小者二枝、焙乾研末、和蛋白、去蛋黃、仍灌入蛋內、將瘡指套浸、如火重者、再用一服、三日全愈、屢試屢驗、

有一人手肘上生疔瘡、遇一醫云、疔者釘也、取千觔拔釘之義、可買千金子一文、剝去皮、搗罨瘡上、用膏藥蓋之、次日果然疔出即愈、因親見故錄之、

疔初發方

用白玉簪花根搗爛、敷於患處、瘡口留出、

後對口爛去風唇方

用露天糞缸內瓦片煨紅、存性研細末、敷於患處、如風唇發痒、用煨鹽研末敷唇上、其痒即止、

火疔用乳漿草、和老酒服之可效、

火疔用蛇頭毒蝦蟆搗罨患處可愈、

又方

晚蠶沙二兩 生石羔一兩 川連五錢 黃柏一兩 硃砂一分 麝香少許 冰片少許
硃砂一錢 共研末蜜調

人神所在日期 不宜針灸惟急症不得不從權求救耳

甲頭、乙喉、丙肩、丁心、戊腹、己脾、庚腰、辛膝、壬脛、癸足、
子貝、丑腰耳、寅胸、卯脾鼻、辰腰膝、巳手、午心、未頭手、申頭背、酉背、戌頭面、亥頭
項、

戒食砒礪神方

用防風二兩 或研送或水煎服下立愈

治爛脚瘡老癩汗溼隔紙膏良方

製甘石一兩 浸石羔一兩 血竭五錢 鉛粉五錢 白螺螄壳三錢 埽盆三錢 廣丹五錢 龍骨三錢 冰片五分 黃蠟五錢 白蠟三錢 人中白五錢 桑枝 窠油

右藥研末併入窠油調和如無窠油用陳香油亦可攤在油紙上摺弄再堆二三層角針多戳空眼外用油紙又用布包裹縛患處如洗瘡用葱頭艾桑葉煎湯溫和洗之揩乾再貼膏藥轉面可用必須三四日一換半月收功親試過神效永無後患

遺忘敬異

此四字係天師親傳乃保產之靈符黃紙朱書臨期及辰貼在床上可保無虞

治各種臃脹應驗良方

世人病患臃脹、醫用湯藥、每多棘手、罔效、非盡藥餌之無濟也、實未知用末藥以消之耳、余祖欽臣公、乾隆間、弱冠時、身患脹症甚重、百計難瘳、幸遇顯聖寺瑞僧、授以祕方末藥一料、祖信從僧言、按次分服、禁食忌物、各油、閱二旬、藥料服完、病即全愈、真祕授良方也、所用何藥、莫名其妙、一日僧來余家曰、我將逝矣、見汝家待人忠厚、願授是方以濟世、開藥味、指明曰、無論男婦、氣虛食蠱、風溼產後、臃脹等症、純用此方、藥料服完、均得告全、必須禁淨油食忌物、余家得此方法、配藥施送、遵服者、無不應效、經今三世、六十年來、活人不知凡幾、即百中有一不起者、係大戶家、性急亂醫、及口不禁淨之故、再凡患脹症者、氣必喘、便必閉、食必減、一經失治、危在旦夕、又有名筍箕脹、蜘蛛脹者、此症百難

活一、若能均照信服是藥、而見血氣和平、小便通利、胃口漸開、則是末藥之效、藥料服完未愈、再服一料、俱可轉危爲安、如急欲求痊、亂投他藥攻剋、并病者、口不忌淨、或瞞人私吃忌物、卽服此藥亦無效、實自誤性命矣、幸切戒之、母負言者之苦心也、茲余慮送藥、未能周到、爰將藥方刊印敬送、佈告天下、願有病家、視爲活命金丹、依方配藥、信心堅服、一料確有應效、如神、慎勿急求病痊、醫藥亂投、飲食不謹、自貽伊戚、并願有心濟世者、共寶之、配藥施送、印方廣傳、以起人命於沈疴、其功德真無量也已、是爲告、

藥方列后

女貞子八兩 片檳榔八兩 茅蒼朮二兩 木通二兩 防己二兩 赤小豆四兩 藥店
半紅黑者不可用、要用鄉間赤色如菘豆大者是 沈香二錢 要真正 右藥炒黃研末、糊水

法丸、每日以一兩分三次、用通草、路路通煎水空心吞服、小便見通、續服續效、藥完一料、病即自痊、真祕傳應驗良方也、必須忌食魚腥油膩、發氣厚味補食等物、及麻油均不可吃、

無須忌鹹、以清淡利溼爲貴、病加重者加忌一百二十天、以免復脹難治、切禱、光緒十九年仲夏月紹興山陰沈振宗龍山誠一乩壇皈依梵名慧子敬謹識、點心惟粳米粉可吃、即晚米粉、忌糯米、糖食、惟青糖砂糖可吃、熟食、惟清燉鮮鴨可吃、務去皮并浮油、水果惟花紅蓮藕葡萄烏梅乾等可吃、

附跌打損傷良方

即載金鑑玉鎮散

治跌墜毆壓馬踢刀箭諸傷、雖腎子壓出者可治、立能止血止痛、並不忌風、

生白附子十二兩 白芷 天麻 防風 羌活 生南星以上各一兩 共研極細

末、就破處敷上、傷重者黃酒浸服一錢、老年小兒減半、

多飲易麻倒少刻
即愈亦無害也

青腫者、

水調敷之立愈、價廉功大、須預配合、如遇傷鬪毆者、可全兩命、

但合此藥須日晒燥
不可用火煨爲要

向合此藥不過大錢四百文、奏效不下數百餘人、余家自先父湘浦公得此方、合藥備治、醫多人、不拘非常重傷、一用此藥、約十天、即可平復如常、眞傷科之仙丹也、且價廉功大、何樂而不爲哉、如受傷多日、已經腐爛、此藥弗可用也、

注意

挑用銀針較爲無弊否則揩洗乾淨

後列兩方用次方以大黃瀉毒最爲有效

病起卽照方服藥免毒入心包至要

用針不在疔上決無危險藥性平淡奇功難言切勿聽庸醫誤阻
西醫尙未明此症在於經絡往往用外割百無一救

養陰清肺湯

日服二劑重者日服三劑若病勢愈增卽白加甚仍照方服始終守定不可移易

大生地一兩 麥冬六錢去心 白芍四錢炒 薄荷二錢五分 元參八錢 丹皮四錢 貝母四錢去心 生甘草二錢

此方乃治白喉之聖藥 翼然八柱 顛撲不破 其中但有鎮潤而無消導 蓋所謂鎮潤得宜 下元自會通暢 無所用其消導也 分兩悉照原方 不可輕重 小兒減半 守方服去 自然全愈 切勿中改

如喉間腫甚者 加煨石膏四錢 大便燥結數日不通者 加青寧丸二錢 元明粉二錢 胸下脹悶者 加神麩二錢 焦山查二錢 小便短赤者 加大木通一錢 澤瀉一錢 知母二錢 燥渴者 加天冬三錢 馬兜鈴三錢 面赤身熱或舌苔黃色者 加銀花四錢 連翹二錢